

1614 Juillet

3^e. Car 117 42.

L' E T T R E S

DE LA ROYNE REGENTE,
Mere du Roy, escripte à Orleans le
14. Iuillet 1614. à Messieurs de la
Court de Parlement à Rouen.



A R O U E N,

DE L'IMPRIMERIE

De MARTIN le MESGISSIER, Imprimeur
ordinaire du Roy, tenant sa boutique au haut
des degrez du Palais.

M. DC. XIII.

Avec privilege de sa Maieste.

THE NEWBERRY LIBRARY
CHICAGO, ILL.
JAN 10 1891

Case

F

39

.326

THE NEWBERRY
LIBRARY

1614 mr



MESSIEURS
le Roy Monsieur
mon fils & Moy,
estans partiz de Pa-
ris le iour que ie
vous mandé, qui
fut le Samedy cin-
quième de ce mois, nous arriuasmes en
ceste Ville le Mardy huiëtiesme, & par
les chemins nous eusmes des nouuelles
du Marquis de Coeuures, qui nous as-
seuroient que mon Nepueu le Duc de
Vendosme remettrait Blauet entre ses
mains, pour y establir les cinquante
Suisses que nous y auons enuoyez, &
apres le démolir & razer, & qu'il desar-

A ij

meroit suivant ce que nous luy auons
ordonné par luy, Mais comme nous
n'en voyons encores aucun effect, nous
jugeasmes ne deuoir laisser de conti-
nuer nostre voyage iulques en ceste
Ville, où ledict Marquis nous est venu
trouuer luy mesmes, & confirmer ce
qu'il nous auoit escript, & par ce qu'il
importe que ces affaires de Bretagne
soyent au plustost terminées, Nous y
renuoyons presentement ledict Mar-
quis pour y mettre fin, en executant ce
que nous en auons des ja arresté & or-
donné, Tant pour ce qui est de ladicte
place de Blauet, que pour le desarme-
ment & licenciement des forces dudict
Duc de Vendosme, & pour toutes les
autres choses qui regardent le seruice &
l'autorité du Roy mondict Sieur &
fils en ladicte Prouince; Luy ayant

prescrit pour toute remise de commencer dans quinze iours au plus tard à cōter de celuy cy, la démolition de Blauet & de la faire poursuiure & acheuer le plus diligemment & exactement qu'il sera possible, Ce pendant mon Cousin le Duc du Mayne est reuenue de deuers mon Nepueu le Prince de Condé, & nous à raporté qu'il à separé & congedié tout ce qu'il auoit de Gentilshommes & autres gens de guerre auprès deluy, & qu'il s'est retiré à Chasteauroux pour y attendre la Iustice qu'il à demandée au Roy Monsieur mon fils, sur ce qui s'est passé à Poictiers, & pour laquelle nous en auons renuoyé la congnoissance au Parlement de Paris, De sorte que nous ne doubtons point que mondict Nepueu n'en aye tout le contentement qu'il en peut raisonnable;

A iiii

ment desirer , & nous en auons aussi
beaucoup de veoir ceste affaire en ces
termes , Dequoy ie vous ay voulu ad-
uertir , suiuant ce que ie vous escriuiz
en partant de Paris , & de la continua-
tion de nostre voyage iusques à Blois,
ou nous nous acheminons aujourdhuy
pour y arriuer demain , & ou nous re-
soudrons ce que nous aurons à faire,
tant pour noz personnes que pour les
forces que nous auons faict venir du
costé de deçà & vous en tiendrons ad-
uertiz , Mais pour ceste heure ie n'ay
rien d'auantage à vous mander : Sinon
que ie vous prie de continuer à tenir
la main à tout ce qui sera du seruice du
Roy Monsieur mon fils & du bien de
sa Prouince de Normandie, selon vo-
stre affection accoustumée , & la con-
fiance que i'ay en vous , Que ie prie

Dieu auoir Messieurs en sa saincte &
 & digne garde. Escrip̄ à Orleans le
 quatorzième iour de Iuillet mil six cens
 quatorze.

Signé,

M A R I E.

Et plus bas,

P O T I E R.

Et seellé d'un cachet en cire rouge.

Et à la superscription est escript, A
 Messieurs les Gens tenans la Court de
 Parlement pour le Roy Monsieur mon
 Fils, à Rouen.

